


C1 Canran o gwsmeriaid a ymatebodd i arolwg ddywedodd eu bod yn fodlon â'r lefel gwasanaeth.

● Anfodlon / Dissatisfied ● Bodlon / Satisfied



Nifer o Gwsmeriaid Bodlon


36

Cyfanswm Nifer o Gwsmeriaid a Dargedwyd

41

Data Fesul Penderfyniad y Cais


● Anfodlon / Dissatisfied ● Bodlon / Satisfied



Sylwadau

Yr holiadur yn seiliedig ar sampl o gwsmeriaid sydd wedi derbyn penderfyniad ar gais cynllunio yn ystod y cyfnod. Mae'r canlyniadau yn dangos mai'r rhesymau dros anfodlonrwydd canran fychan o'r cwsmeriaid yw anfodlonrwydd gyda trefniadau cysylltu gyda'r Gwasanaeth ac nad oes cyfle i drafod can cael gwrthodiad. Mae'r sylwadau o fodlonrwydd yn cynnwys sylwadau cadarnhaol iawn am y gwasanaeth a'r cyngor a roddir gan swyddogion (er gwaethaf cais wedi ei wrthod mewn rhai achosion). Er hynny rhaid nodi fod nifer o'r cwsmeriaid bodlon wedi ychwanegu sylwadau yn ymwneud a'r drefn anodd o gael gafael ar swyddog cynllunio / trefniadau cysylltu ac fod y drefn o gael cyngor cyn cyflwyno cais a'r cyfle i wneud diwygiadau bychan yn werthfawr.


C2 Pa mor sydyn mae'r holl geisiadau Cynllunio ar gyfartaledd wedi cymryd i'w penderfynu



Sylwadau


Mae'r nifer o ddyddiau mae ceisiadau ar gyfartaledd wedi cymryd i'w penderfynu ers Ebrill 2017 wedi bod yn eithaf cyson o gwmpas y 60 diwrnod. Mae'r perfformiad erbyn hyn wedi ei rannu i ddangos cyfartaledd y cyfnod, cyfartaledd ceisiadau dirprwyedig a chyfartaledd ceisiadau a gyflwynwyd i'r Pwyllgor. Noder fod toriad yn cael ei ddangos o gyfnod 1/5/18 ymlaen ac mae hyn yn adlewyrchu y cyfnod ble mabwysiadwyd y Cynllun Dirprwyo Cynllunio newydd. Ers y cyfnod yma mae cyfartaledd y cyfnod wedi aros yn weddol gyson ac mae'r cyfartaledd ar gyfer ymdrin gyda cheisiadau dirprwyedig yn gyson gyda'r cyfnod statudol ar gyfer ymdrin gyda cheisiadau. Mae mabwysiadu'r Cynllun Dirprwyo newydd hefyd wedi golygu llai o geisiadau gerbron y Pwyllgor ac felly mae canran uwch o geisiadau yn cael penderfyniad o dan y drefn dirprwyedig. Mae cyfartaledd amser ceisiadau sydd gerbron y Pwyllgor yn llawer uwch a hynny oherwydd fod natur y cais fel arfer yn fwy cymhleth neu gynhennus lle o bosib fod negodi neu ddisgwyl gwybodaeth wedi digwydd er mwyn gallu gwneud argymhelliad. Er hyn, yn ystod y cyfnod bu i 77% o geisiadau gael eu penderfynu o fewn 56 diwrnod. Yn ystod mis Awst bu problemau TG difrifol gafodd effaith andwyol ar lif gwaith ac allbwn y Gwasanaeth ac bu y gwaith dal fyny yn parhau hyd at yn ddiweddar iawn. Mae'n debyg nad yw gwir effaith hyn ar y gwasanaeth yn cael ei adlewyrchu yma.

C3 Canran y ceisiadau cynllunio wedi eu pennu a gafodd eu cymeradwyo



Sylwadau

Mae'r canran o geisiadau sydd yn cael eu caniatáu yn weddol gyson ac yn parhau i fod yn dystiolaeth bendant o gysondeb a gwasanaeth cynllunio cadarnhaol. Noder y gostyngiad sydd yn dilyn y cyfnod o fabwysiadu'r Cynllun Datblygu Lleol ar y Cyd diwedd Gorffennaf 2017 sydd wedi golygu fod rhai agweddau polisi wedi newid yn sylweddol a'i bod yn debygol nad oedd rhai ymgeiswyr / asiantwyr yn ymwybodol o'r oblygiadau e.e. datblygiad oedd yn cwrdd ag anghenion y Cynllun Datblygu Unedol yn flaenorol ond yn groes i bolisiau'r Cynllun Datblygu Lleol ar y Cyd. Bydd annog defnydd o'r gwasanaeth cyn-cyflwyno cais hefyd o gymorth i sicrhau nifer uchel o geisiadau yn cael eu cymeradwyo.



Sylwadau

Bwriad y dangosydd hwn yw mesur canran yr holl achosion y llwyddir i ymchwilio iddynt o fewn amserlen benodol. Nod hynny yw annog y Cyngor i ddelio â phob achos gorfodi'n gyflym a sicrhau bod y cyhoedd yn dod i wybod am ganlyniad ymchwiliadau a'r camau y bydd y Cyngor yn ei cymryd i ddatrys rheol cynllunio sydd wedi'i thorri, lle gwelir bod un wedi'i thorri. Mae canran o dros 80% yn cael ei ystyried yn berfformiad da. Serch hynny, nid yw yn adnabod y nifer o achosion sydd yn parhau yn agored; hynny yw, ble mae angen "camau gorfodi positif", nac ychwaith yn adnabod llwyth gwaith swyddogion a perfformiad yr Uned Gorfodaeth yn ei gyfanrwydd at bwrpas rheolaeth effeithiol. Nid yw'r dangosydd ar gyfer camau gorfodi positif wedi ei feincnodi hyd yma, ac felly mae angen ystyried cyflwyno mesurydd Mewnol ychwanegol sydd yn gallu adlewyrchu llwyth gwaith swyddogion, a perfformiad yr Uned yn ei gyfanrwydd.

Y mesurydd polisi ers Awst 2017:

C5 - Mabwysiadu Canllawiau Cynllunio Atodol i'r Cynllun Datblygu Lleol ar y Cyd yn cynnwys mabwysiadu 4 CCA erbyn Chwarter 3 o 2017-18 (Dyma nodwyd yn y fframwaith fonitro i'r Cynllun Datblygu Lleol ar y Cyd)

Sylwadau – Canllawiau Cynllunio Atodol

Mae'r CCA yn rhoi cig ar asgwrn polisiau'r Cynllun Datblygu Lleol ac yn rhoi arweiniad ar weithrediad cyson y polisiau i swyddogion ac i ddarpar ymgeiswyr am ganiatâd cynllunio.

Nodwyd mewn adroddiadau monitro perfformiad blaenorol cafodd yr amserlen a nodir uchod ei gytuno pan oedd y Gwasanaeth yn disgwyl mabwysiadu'r Cynllun yn gynharach yn ystod 2017. Fe lithrodd yr amserlen yn wreiddiol oherwydd ni chafodd y Cynllun ei fabwysiadu tan ddechrau Chwarter 2 (2017-18) ac felly nid oedd yn ymarferol i roi adnoddau o'r neilltu i ddechrau'r gwaith. Ar ôl mabwysiadu'r Cynllun, gwelwyd cynnydd yn y galw am arweiniad polisi cynllunio gan yr Uned oddi wrth swyddogion cynllunio yn gysylltiedig â chymhwyso rhai o'r polisiau newydd a bu swyddogion yn yr Uned Polisi Cynllunio ar y Cyd adref yn sâl am gyfnodau gymharol hir. Gyda'i gilydd nid oedd adnoddau digonol nac amser rhesymol i allu gwneud cynnydd arwyddocaol i baratoi'r gyfres gyntaf o CCA ac mae'n debyg mai'r risg sydd yn gysylltiedig a hyn yw y bydd cyfnod hirach lle nad oes arweiniad manwl ar rai o bolisiau cynllunio'r CDLI. Cafodd trefniant cydweithio rhwng yr Uned Polisi Cynllunio ar y Cyd a'r 2 Wasanaeth Cynllunio ei gytuno ym mis Mai 2018 er mwyn sicrhau bod yr Uned yn gallu rhoi ffocws ar roi arweiniad ar geisiadau sy'n codi materion polisi o sylwedd a rhoi ffocws i waith paratoi'r CCA.

Mae'r tabl nesaf yn rhoi'r wybodaeth diweddaraf am y cynnydd i baratoi'r gyfres gyntaf o'r CCA.


Enw'r Canllaw Cynllunio Atodol	Statws (Tachwedd 2018)
Cymysgedd Tai	Mabwysiadwyd Hydref 2018
Datblygiad twristiaeth – atyniadau a llety	Ymgynghoriad cyhoeddus (1af) Mehefin/ Gorffennaf 2018 Ymgynghoriad cyhoeddus (2il) Rhagfyr 2018 – Ionawr 2019 (am ddau newid arwyddocaol)
Tai marchnad leol	Ymgynghoriad cyhoeddus Hydref – Tachwedd 2018
Llecynnu agored o fewn datblygiad preswyl newydd	Ymgynghoriad cyhoeddus Hydref – Tachwedd 2018
Tai fforddiadwy	Ymgynghoriad cyhoeddus Rhagfyr 2018 – Ionawr 2019
Cynnal a chreu cymunedau cynaliadwy	Ymgynghoriad cyhoeddus Rhagfyr 2018 – Ionawr 2019
Ymrwymadau cynllunio	Drafft cyntaf i gyfarfod Panel Cynllun Datblygu Lleol ar y Cyd – Tachwedd 2018
Trosi adeiladau ac ail-adeiladu tai yng nghefn gwlad	Drafft cyntaf i gyfarfod Panel Cynllun Datblygu Lleol ar y Cyd – Tachwedd 2018

C6 - Canran o Dai Fforddiadwy Ganiatawyd yn 2018-19 (Ebrill - Hydref)

Tai Fforddiadwy - Adran 106, 9.30%

Tai Fforddiadwy,
37.21%


Tai, 53.49%



Sylwadau

Mae'r ddarpariaeth o dai fforddiadwy yn golygu fod yr ACLI yn darparu lefel uwch o dai fforddiadwy na'r targed uchaf o fewn y CDLI sydd yn 30%. Mae hyn yn adlewyrchu'r patrwm blaenorol a chadarnhaol ar gyfer nifer o dai fforddiadwy sy'n cael eu caniatu.

C6 - Nifer Cronnus o Dai wedi eu cymeradwyo yn 2018-19




Sylwadau

Gweler sylwadau siart blaenorol C6

G1: Canran o gwsmeriaid a ymatebodd i arolwg ddywedodd eu bod yn fodlon â'r lefel gwasanaeth (01/04/2018 - 31/10/2018)

Canran o gwsmeriaid a ymatebodd i arolwg ddywedodd eu bod yn fodlon â'r lefel gwasanaeth.

● Bodlon



Nifer o Gwsmeriaid Bodlon


124

Cyfanswm Nifer o Gwsmeriaid a Dargedwyd

124

Data fesul Uned

● Bodlon



Sylwadau

Yn sgil gweithrediad y Rheoliadau Gwarchod Data Cyffredinol (GDPR) mae Gwasanaeth gwarchod y Cyhoedd wedi mabwysiadu trefn newydd ar gyfer ymdrin ag arolygon cwsmeriaid .

Ar y pwynt cyswllt cyntaf roedd cwsmeriaid yn cael eu holi os ydynt yn fodlon cael eu cynnwys mewn arolwg cwsmer ai peidio.

Ar y cychwyn cafwyd peth anhawster gyda gweithrediad y drefn oedd yn yn cynnwys cyfran o gwsmeriaid oedd yn gwrthod cael eu holi ond mae hyn gydag ond canlyniadau ar gyfer 3 uned oddi fewn y gwasanaeth sydd ar gael, ond ymddengys bod yr anhawsterau wedi ei goresgyn erbyn hyn.

G2: Canran y busnesau uchel eu risg sydd wedi cael arolygiad yn unol a'r rhaglen

● Arolygwyd ● Hwyr ● I'w Wneud



Nifer o sefydliadau wedi cael arolygiad

16

Nifer o sefydliadau lle mae'r arolygiad yn Hwyr


7

Nifer o sefydliadau angen arolygiad

28

Nifer o fusnesau uchel eu risg wedi cael arolygiad yn unol a'r rhaglen

● Arolygwyd ● Y Rhaglen



Sylwadau

Mae'r mesurydd yma wedi ei addasu i adrodd ar berfformiad cynnal arolygiadau hylendid bwyd, safonau bwyd ac iechyd anifeiliaid eiddo categori risg A yn unig (y categori risg uchaf).


Mae bob busnes categori risg A hylendid a safonau bwyd a ddylid fod wedi derbyn archwiliad erbyn diwedd Hydref wedi derbyn archwiliad.

6 o'r ymweliadau Iechyd Anifeiliaid yn hwyr yn ôl y siart ond rhai o'r busnesau risg uchel ddim yn 'due' tan Chw 3 & 4. Nodir hefyd bod 1 aelod o staff i ffwrdd yn sâl hir dymor yn dilyn triniaeth ac 1 aelod arall wedi bod ar ddyletswyddau ysgafn am gyfnod oherwydd cyflwr meddygol. Trefniadau wedi eu addasu er mwyn cwblhau'r rhaglen.

G3: Canran y busnesau Prosesau Llygredd Awyr sydd wedi cael arolygiad yn ystod y flwyddyn (01/04/2018 - 31/10/2018)

Canran y busnesau Prosesau Llygredd Awyr sydd wedi cael arolygiad

● Hwyr ● I'w Wneud ● Wedi Cwblhau



Nifer o fusnesau wedi cael arolygiad

9

Nifer o fusnesau lle mae'r arolygiad yn hwyr


5

Nifer o fusnesau angen arolygiad

22

Nifer o fusnesau Prosesau Llygredd Awyr sydd wedi cael arolygiad yn ystod y flwyddyn

● Arolygwyd ● Rhaglen



Sylwadau

Mae anhawsterau cofnodi wedi bod, ond mae'r cofnodion wedi cael eu diweddarau o ran yr archwiliadau sydd yn ymddangos i fod yn hwyr a sydd erbyn hyn wedi ei cyflawni. Roedd un busnes prosesu wedi dod i ben a'r busnes heb ddiweddarau'r Gwasanaeth am hyn. Mae'r targed mewn perthynas a'r rhaglen yn un blynyddol ac ar hyn o bryd credir y bydd y rhaglen flynyddol yn cael ei chwblhau.

G4: Canran y sefydliadau bwyd anifeiliaid sydd wedi cael arolygiad yn unol a'r rhaglen (01/04/2018 - 31/10/2018)

Canran y sefydliadau bwyd anifeiliaid sydd wedi cael arolygiad yn unol a'r rhagl...

● Arolygwyd ● I'w wneud



Nifer o sefydliadau wedi cael arolygiad

65

Nifer o sefydliadau lle mae'r arolygiad yn hwyr


0

Cyfanswm nifer o sefydliadau angen arolygiad

73

Nifer o sefydliadau bwyd anifeiliaid sydd wedi cael arolygiad yn unol a'r rhaglen

● Arolygwyd ● Y Rhaglen



Sylwadau

138 o ymweliadau ar y rhaglen gan yr Asiantaeth Safonau Bwyd flwyddyn yma. Trefn unigryw gan yr ASB o ran gorfodaeth 'feed' - ar gychwyn bob blwyddyn ariannol mae'r ASB yn gofyn i bob rhanbarth adrodd ar y niferoedd o eiddo sy'n 'due' ymweliad 'feed' ar eu bas data (Prif Swyddog o Wrecsam sy'n arwain ar ran rhanbarth Gogledd Cymru). Y Prif Swyddog wedyn yn dyrannu'r ymweliadau sy'n 'due' rhwng y 6 Awdurdod yn seiliedig ar risg a math o eiddo e.e. Gwneuthurwyr AO1, Mixer R10, Cynhyrchwyr Bwydydd Anifeiliaid Anwes R6, Ffermydd (livestock) R13 ayb gyda'r awdurdod perthnasol yn cael taliad penodedig am bob archwiliad (yn ddbynol ar faint o arian oedd gan yr ASB ar gyfer cyflawni gorfodaeth 'feed' yng Nghymru).


Y rhaglen' yn ôl y siart wedi ei rannu i adlewyrchu'r ffaith bod y maes yn dymhorol gyda'r mwyafrif o archwiliadau yn cael eu cynnal dros y gaeaf – o flaen targed ar hyn o bryd. Oherwydd adnoddau, mae'r nifer o archwiliadau sy'n ddisgwyliedig fel rhan o'r cynllun ASB yn dipyn is na'r ffigwr cyflawn o eiddo sy'n 'due' archwiliad yng Ngwynedd gan fod oddeutu 2000 o ffermydd yng Ngwynedd. Yr archwiliadau yn cael eu blaenoriaethu o ran y risg (Risg Sgôr 1 = bob blwyddyn, Risg Sgôr 2 =bob 2 flynedd ayb) a'r math o eiddo (R10, R6 ayb) yn ogystal ag unrhyw wybodaeth (intel) arall a dderbyniwyd.

Trefniadau mewn lle i gwblhau'r ymweliadau a ddyrennir gan yr ASB cyn diwedd y flwyddyn.

G5 Canran o Droseddau a gafodd eu datrys drwy ymyrraeth gan Warchod y Cyhoedd (01/04/2018 - 31/10/2018)

Canran o Droseddau a gafodd eu datrys drwy ymyrraeth gan Warchod y Cyhoedd

● Pending ● Sig Breach Rectified



Nifer wedi eu datrys


403

Nifer wedi eu darganfod

475

Data Fesul Uned

● Pending ● Sig Breach Rectified




Sylwadau

O ran Safonau Masnach (Industry) – 9 torcryfaith o'r 25 bellach wedi eu datrys – cofnodion wedi eu diweddarau ac yn cynnwys achosion yr aelod staff sydd wedi bod i ffwrdd yn sâl. O ran Safonau Masnach (Consumer) – o'r 20 – 3 o'r achosion 'Trade Marks' bellach wedi eu cyfeirio at yr IPO (Intellectual Property Office) gan eu bod yn cynnal archwiliadau manwl ar y diffynnydd. Y 2 'drosedd' a oedd yn ymwneud ac un busnes penodol yn parhau i fod yn agored ar y sustem ers peth amser - disgwyl canlyniad achos Rent Smart Wales unrhyw funud. Gweddill yr achosion sydd dal yn agored o ran y ddau dîm yn cynnwys achosion sydd wedi eu derbyn yn ystod y cyfnod, achosion mwy cymhleth sy'n cynnwys hel ac asesu tystiolaeth ac wrth gwrs achosion sydd yn diweddu fyny yn y llys.

O'r 9 torcryfaith sylweddol a nodir sydd dal yn agored gan yr Uned Lles (Food safety Team a Health and Safety Team) mae 4 yn dal i dderbyn sylw swyddogion. Mae'r 5 arall wedi eu datrys ond fo'r cofnodion heb eu diweddarau. Bydd y cofnodion hyn yn cael ei diweddarau mor fuan ag sy'n bosib.

O ran trwyddedu – mae gwelliant sylweddol wedi bod yn y nifer o droseddau a gofnodir. Mae'r rhan fwyaf o'r 16 achos sydd yn ymddangos uchod heb ei datrus oherwydd fod ymchwiliad yn parhau; neu lle mae trwyddedau gyrrwyr taci wedi eu hatal oherwydd ymchwiliad Heddlu sydd heb ddod i ben. Mae dau gofnod angen eu diweddarau.


G6 Canran y sefydliadau bwyd sy'n cyrraedd safonau Hylendid Bwyd



Sylwadau

Mae nifer y sefydliadau bwyd sydd yn cyrraedd safon hylendid bwyd boddhaol neu uwch yn parhau i fod yn uchel gyda dim ond 1.1% yn methu, sef 21 busnes.

G7: Cyfartaledd y dyddiau a gymerir i benderfynu cais Trwydded Tacsî




Sylwadau

Yn dilyn adolygiad Ffordd Gwynedd fe osodwyd mesuryddion newydd ar gyfer trwyddedu. Mae'r mesuryddion newydd ac yn benodol y mesur uchod yn canolbwyntio ar brofiad y cwsmer o'r cyswllt cyntaf. Felly, mae cyfartaledd y dyddiau a gymerir i benderfynu ceisiadau tacsî yn cael eu cyfri o'r achlysur cyntaf y daw cwsmer atom i wneud cais. Nid yw cais yn gallu cael ei brosesu a'i benderfynu tan mae yn gyflawn. O ran ceisiadau am drwyddedau gyrwyr, dau ffactor sydd yn effeithio yn sylweddol ar yr amser - sef yr amser mae'r Gwasanaeth DBS cenedlaethol yn ei gymryd i brosesu tystysgrif DBS a'r amser mae'n cymryd i drefnu Is Bwyllgor Trwyddedu i gael gwrandawriad ar y cais (gall hyn yn ei hun ychwanegu 4 wythnos).

Ers yr adroddiad perfformiad diwethaf mae'r amser a gymerir i brosesu ceisiadau gyrwyr wedi gostwng yn gyson ers mis Mai, gyda cais yn cymryd cyfartaledd o 47.3 diwrnod ym mis Mai, ac yn disgyn yn gyson i 28.47 ym mis Hydref. Fe welir o'r siart cap ein bod wastad gyda sefyllfa o amrywiad tu hwnt i'r terfyn Rheoli uchaf (UCL) sydd ddim yn gallu cael ei reoli yn effeithiol oherwydd y ffactorau sydd wedi eu nodi. Dengys ein ffigyrau fod DBS yn cymeryd cyfartaledd o rhwng 7 ac 8 wythnos i gael ei gyflwyno i ni, gyda rhai tystysgrifau wedi cymeryd i fyny i 112 diwrnod. Yn unol â rheoliadau diweddar diogelu data, mae'r dadleniad DBS bellach yn cael ei gyrru yn syth yn ôl i'r ymgeisydd, sydd yn creu oediad pellach o ran cyflwyno cais cyflawn. Gan fod y cyfansoddiad a'r hawliau dirprwyedig perthnasol yn golygu fod rhaid cyfeirio pob cais am drwydded gyrrwr sydd gyda cholffarnau i Is Bwyllgor; mae adolygiad o'r drefn angen digwydd mewn ymgynghoriad a'r Uned Gyfreithiol a'r Pwyllgor Trwyddedu.

G8: Canran sefydliadau bwyd sydd wedi cael arolygiad yn unol a'r rhaglen Hylendid Bwyd

● Arolygwyd ● Hwyr ● I'w Wneud



Nifer o sefydliadau bwyd wedi cael arolygiad

529

Nifer o sefydliadau lle mae'r arolygiad yn Hwyr


95

Nifer o sefydliadau angen arolygiad

393

Nifer o sefydliadau bwyd sydd wedi cael arolygiad yn ystod y flwyddyn

● Arolygwyd ● Y Rhaglen




Sylwadau

Mae'r graff yn arddangos yr holl arolygiadau hylendid bwyd oedd wedi eu rhaglennu ar gyfer y cyfnod gan gynnwys unrhyw ôl groniad o archwiliadau sydd heb eu cwblhau. Gweler fod 529 o archwiliadau wedi eu cwblhau gyda'r targed yn 624.

Yn ddiweddar mae'r gwasanaeth wedi cymryd camau sylweddol i ddelio gyda diffyg capasiti sydd wedi bod dros y blynyddoedd diwethaf yn sgil toriadau a chynnydd mewn gofynion deddfwriaethol. Mae swyddog gwarchod y cyhoedd dros dro a benodwyd ym mis Gorffennaf bellach wedi ei phenodi i swydd barhaol yn dilyn ymddiswyddiad swyddog profiadol ym mis Hydref. Disgwylir y bydd yr unigolyn hwn yn medru cwblhau archwiliadau bwyd risg uchel wedi eistedd (a phasio) arholiadau ychwanegol ym mis Mai 2019. Yn ogystal, yn mis Tachwedd fe benodwyd 2 swyddog newydd fydd yn dechrau gweithio ddiwedd Mis Rhagfyr. Mae un yn swyddog pofiadol ddylid fo'n medru ymgymryd ar gwaith yn fuan wedi dechrau. Bydd angen i'r ail swyddog eistedd cwrs arbennigol am gyfnod o ddwy flynedd cyn y gellir ymgymryd a dyletswyddau llawn y swydd. Mae 31 archwiliad hylendid oedd wedi eu rhaglennu yn ystod 2017-18 dal angen eu cwblhau (7 eiddo categori risg D a 24 categori risg E). Mae'r archwiliadau hyn wedi eu cynnwys yn rhestrau archwiliadau eleni swyddogion.

G9: Canran y sefydliadau bwyd sydd wedi cael arolygiad yn unol a'r rhaglen Safonau Bwyd




Sylwadau

Mae'r graff yn arddangos yr holl arolygiadau safonau bwyd oedd wedi ei rhaglennu ar gyfer y cyfnod gan gynnwys ôl groniad o archwiliadau a dylid fod wedi eu cwblhau cyn hyn. Mae 236 archwiliad allan o 423 wedi eu cwblhau.

Mae'r ôl-groniad yn bennaf oherwydd diffyg adnodd i gynnal archwiliadau. Mae'r gwasanaeth wedi mabwysiadu trefn lle fo swyddogion sy'n cynnal archwiliadau hylendid bwyd hefyd yn cynnal archwiliadau safonau bwyd yr un pryd. Bydd y drefn yn cael ei ddilyn lle fo archwiliad rhaglenedig safonau heb ei gynnal neu wedi ei restru ar gyfer ei gynnal oddi fewn y 12 mis wedi hynny. Mae rhai archwiliadau yn disgyn tu allan i'r drefn am gyfnod ac felly ar unrhyw adeg mae ôl groniad yn bodoli.

Yn yr adroddiad diwethaf nodwyd fod 192 o arolygiadau safonau bwyd a ddylid fod wedi eu cynnal erbyn 31/3/18 dal heb eu cwblhau. Bellach y ffigwr ydy 94 (35 eiddo categori risg B a 59 categori risg C). Yn ogystal, mae'r Gwasanaeth wedi annerch y diffyg adnodd drwy benodi dau swyddog newydd. Gweler y sylwadau dan fesur ydych chi'n perfformio G8.


**EIDDO 1 -
Yr amser (mewn dyddiau) a gymer i ymateb i gais am waith cynnal a chadw**



Mae'r perfformiad wedi gwella yn ddiweddar oherwydd:


1. System TG newydd wedi hwyluso'r gwaith o gofnodi galwadau, anfon archebion a diweddarau cwsmeriaid.
2. Effaith defnyddio ein gweithwyr llaw cyflogedig (6.4 diwrnod ydi "end to end" eu galwadau hwy)
3. Treialu trefniadau talu anfonebau gwahanol - rhyddhau amser staff i ganolbwyntio ar y gwaith rheng faen.

**EIDDO 2 -
Canran bodlonrwydd cwsmeriaid yr Uned Cynnal a Cadw**




Rydym yn parhau i ofyn am sgor allan o 10, a'r ymateb gan amlaf yw fod cwsmeriaid yn parhau yn hapus ond maent yn fwy bodlon awgrymu lle gallwn wella ein gwasanaeth os am gael marciau llawn. Mae'r rhan helaethaf o'r sylwadau yn cyfeirio at ddiffyg diweddarau yn ystod darn o waith. Mae llai o amser wedi bod ar gael gan ein swyddogion i ganolbwyntio ar ddiweddarau cwsmeriaid yn ddiweddar wrth iddynt roi sylw i geisio delio gyda galwadau Teleofal ac absenoldeb aelod o staff. Mae'n werth edrych ar y ddau fesurydd cynnal a chadw gyda'i gilydd - mae'r cyfartaledd nifer o ddyddiau i gau "job" yn lleihau ond y bodlonrwydd cwsmer ddim cystal. Mae'r data yn dangos fod y gwaith yn cael ei wneud ar amser ond fod llai o fodlonrwydd cwsmer oherwydd nad ydym yn gallu treulio cymaint o amser yn siarad gyda cwsmeriaid yn sgil y pwysau gwaith ddaw o'r galwadau Teleofal. Rydym wedi gallu defnyddio'r data yma i drafod y lefel adnodd gyda'r Adran Oedolion sydd wedi arwain at allu cynnwys cost aelod ychwanegol o staff yn yr achos busnes ar gyfer y gwasanaeth Teleofal.

**EIDDO 9 -
Yr amser (mewn dyddiau) a gymer i ymateb i gais am waith Teleofal**




Mae hwn yn fesurydd newydd sy'n edrych ar alwadau Teleofal sydd bellach yn dod drwy'r Ddesg Gymorth Eiddo yn dilyn trosglwyddo'r gwaith atom yn Ionawr. Gan ein bod wedi cael rhai misoedd i gynllunio'n prosesau gwaith cyn cychwyn ar y gwasanaeth hwn, rydym wedi gallu cydweithio'n agos gyda'n cwsmeriaid mewnol (Adran Oedolion) i sicrhau fod y drefn yn gweithio iddyn nhw a'u cleientaid allanol. Rydym yn falch felly fod yr adborth a geir yn ardderchog a bod y Gwithwyr Cymdeithasol yn gweld gwahaniaeth yn syth. O dan yr hen drefn roedd y cyfartaledd amser ar gyfer delio gyda galwadau oddeutu 53 diwrnod - mae'r drefn bellach wedi ei thrawsnewid a'r prosesau gwaith yn debyg i'r rhai cynnal a chadw.

**EIDDO 4 -
Canran adeiladau gyda systemau diogelwch cyflawn mewn lle.**




Mae'r perfformiad yn y maes yma wedi parhau'n sefydlog am bron i ddwy flynedd yn dilyn cyflwyno trefniadau gweithio newydd yn sgil ymarferiad Ffordd Gwynedd. Arweiniodd yr Ymarferiad at sefydlu lefel adnodd staff oedd yn hafal i'r llwyth gwaith. Dros y chwarter diwethaf mae aelod staff wedi bod yn absenol oherwydd salwch ac nid oes adnodd sbar o fewn yr uned i allu ymdopi a'i lwyth gwaith. Golyga hyn na allwn warantu fod yr adeiladu sydd heb eu harchwilio yn ddiogel ac felly rydym nawr wedi gorfod comisiynu cwmni allanol i helu gyda'r galw na allwn ei gyfarch yn fewnol. Mewn rhai meysydd byddem yn gallu goddef dirywiad mewn perfformiad am gyfnod neu lewni'r bwlch gydag adnodd o uned arall. Yn achos y maes yma, nid yw'r arbenigedd ar gael mewn uned arall ac nid ydym o'r farn y byddai'n gyfrifol oedi ymhellach mewn maes risg uchel fel hwn.



Mae'r Uned Difa Pla yn wasanaeth "masnachol" i'r cyhoedd ac felly mae'n hanfodol fod ein cwsmeriaid o'r farn eu bod yn cael gwasnaeth ardderchog am yr hyn mae'n nhw'n ei dalu. Rydym yn falch felly fod hwn yn faes lle rydym yn gyson yn cael adborth ardderchog gan ein cwsmeriaid . Fodd bynnag, cafwyd un ymateb nad oedd yn gwbl fodlon ym mis Medi. Er yn hapus iawn gyda'r ffordd y bu i'r swyddog ymdrin gyda nyth gwenyn mewn ty anedd, roedd y cwsmer wedi cael trafferth gan na fu i'w gais am wasanaeth drosglwyddo o'r system hunanwasanaeth at y Swyddog Difa Pla ac felly bu'n digwyl am rhai dyddiau cyn gorfod cysylltu am yr eildro. Mae'r dull cysylltu yn derbyn sylw gennym ar hyn o bryd. Hefyd, cafodd yr un cwsmer daflen driniaeth Saesneg er fod y swyddog wedi ysgrifennu'n Gymraeg arni! Mae taflenni Cymraeg ar gael gan y Swyddogion ond yn y dyfodol bydd taflenni dwyieithog ar gael er mwyn sicrhau nad oes camgymeriadau fel hyn yn digwydd.

EIDDO 6


Adborth gan ddefnyddwyr adeiladau newydd, ddwy flynedd ar ôl agor (Sgôr cyfartalog allan o 10)



Drwy ofyn i bawb am sgôr allan o 10 rydym cael at y wybodaeth yma yn well. Er fod pawb dal yn "hapus" maent yn fodlon esbonio pam nad ydynt yn rhoi 10/10. Saith cynllun oedd yn cyrraedd y garreg filltir "dwy flynedd" y tro yma. Roedd pedwar yn fodlon rhoi marciau llawn. Roedd un o'r tri oedd yn weddill o'r farn fod y dosbarth newydd yn rhy fychan - mae pob dosbarth newydd o faint safonol ar draws y wlad! Roedd y ddau arall yn cyfeirio at oedi wrth ddelio gyda diffygion ar ddiwedd y gwaith. Rydym yn ymwybodol fod angen gwella ar yr agwedd yma gan ein bod yn dueddol o orffen un cynllun a rhoi ein holl sylw i'r cynllun nesaf. Ar adegau eraill mae'r diffygion yn cael sylw ond nid ydym yn egluro hyn yn ddigon da wrth yr ysgol newydd. Mae uno gyda'r Tim Moderneiddio wedi ein galluogi i wneud defnydd o'r swyddog sy'n parhau i weithio yn yr ardal ar ol i'r ysgol newydd agor er mwyn gwella'r cyfathrebu am y diffygion gyda phennaeth yr ysgol newydd.


EIDDO 7

Nifer o apeliadau i'r beirniad anibynnol sy'n cael eu caniatâu




Ni fu apel i'r dyfarnwr ers mis Mawrth sy'n arwydd fod ein trefniadau gorfodaeth yn deg a chyson.

EIDDO 8 Canran bodlonrwydd cwsmeriaid yr Uned Stadau a Chyfleusterau




Sefydlwyd y mesurydd newydd hwn gan ein bod yn gwybod ers peth amser fod yr uned hon dan bwysau ac nad ydynt yn gallu ymdopi gyda'r llwyth gwaith sydd ganddynt, yn arbennig gan fod eu llwyth gwaith wedi cynyddu wrth i adrannau eraill geisio gwireddu eu cynlluniau arbedion. Bellach mae'r adnodd staff wedi ei gynyddu ac mae aelod allweddol wedi dychwelyd ar ol cyfnod mamolaeth. Mae'r mesurydd yn dangos ein bod yn symud tua'r cyfeiriad cywir. Allan o'r 54 cwsmer a holwyd roedd 6 yn anfodlon. Dau fath o sylw sydd gan bob un ohonynt - materion yn cymryd gormod o amser i'w datrys neu ddiffyg gwybodaeth/diweddaru yn ystod achos. Nid oes yr un gwyn am ansawdd y gwaith a gwblheir na'r canlyniadau, ac mae rhai o'r rhai sy'n anfodlon hefyd yn pwysleisio hyn yn ei sylwadau. Rydym yn ffyddiog y byddwn yn parhau i weld gwelliant wrth i'r staff newydd ddatblygu. Rydym hefyd wedi bod yn edrych ar y gwahanol feysydd gwaith sydd wedi eu cartrefu o fewn yr uned hon ac wedi dod i'r casgliad fod gormod o bethau gwahanol wedi eu lleoli o fewn un uned waith. Gan y bydd gweithgaredd newydd arall angen ei gartrefu yma yn y dyfodol agos, rydym wedi dod i'r casgliad fod angen sefydlu Uned waith arwahan ar gyfer rhai materion. Mae hyn eisoes ar waith.

**EIDDO 10 -
Canran gostyngiad mewn allyriadau carbon o adeiladau hyd yma yn ystod y flwyddyn**



Hyd yma elenni mae'r cyfanswm allyriadau 2.4% yn uwch na'r un adeg y llynedd. Mae'r ffaith y bu'r tywydd dros y gaeaf 25% yn oerach na'r flwyddyn flaenorol wedi cael cryn effaith ar y defnydd nwy. Rhaid cofio mai data am ganran o'r allyriadau yn unig sydd gennym ac felly gall y sefyllfa ar gyfer yr holl ystad erbyn diwedd y flwyddyn fod yn wahanol. Er hynny, rydym bellach o fewn deufis i ddiwedd y flwyddyn ac felly mae risg y bydd ein na welwn ostyngiad yn ein allyriadau elenni am y tro cyntaf ers blynyddoedd lawer. Bydd canlyniad y flwyddyn yn hysbys erbyn Ionawr.

Siart i ddangos hyd cyfnod prosesu gorchmynion Traffig 2018 (hyd at 26/11/2018)



Sylwadau

- *CG55 – mae 14 allan o 15 o'r safleoedd wedi'u cwblhau. Cerbydau yn parcio ar y safle yn gwneud hi'n anodd cwblhau'r gwaith marcio ffyrdd.
- **CG59 – roedd gwrthwynebiad i'r gorchymyn wedi golygu fod angen cefnogaeth y Pwyllgor Cynllunio cyn ei selio . Yn dilyn derbyn eu cefnogaeth ar 26 Tachwedd 2018, anfonwyd y gorchymyn yn i'r Adran Gyfreithiol ar gyfer cael ei selio.
- ***CG64 – gorchymyn arbrofol

Rhif y Gorchymyn	Costau Hysbysebion yn y Wasg
CG52	Gwybodaeth ddim ar gael
CG54	£749.92 (hysbysiad 1af)
CG55	£789.15 (hysbysiad 1af) £841.50 (2ail hysbysiad)
CG56	£482.77 (hysbysiad 1af)
CG57	£498.26 (hysbysiad 1af)
CG58	Gwybodaeth ddim ar gael
CG59	£338.98 (hysbysiad 1af)
CG60	Gwybodaeth ddim ar gael
CG61	Gwybodaeth ddim ar gael
CG62	Gwybodaeth ddim ar gael
CG63	£355.72 (hysbysiad 1af)
CG64	£727.65
CG65	Gwybodaeth ddim ar gael
CG66	Gwybodaeth ddim ar gael
CG67	Gwybodaeth ddim ar gael
CG68	Gwybodaeth ddim ar gael

Dyddiad	Gwasanaeth	Lleoliad	Taith Bws	Ydych yn hapus gyda'r gwasanaeth?	Os na, Pam?	Beth ydych wedi gwneud am y peth?	Masnachol
05/07/2018	Cludiant	Clynnog Fawr	Bws 12 - Caernarfon i Pwllheli	Nac ydw	I catch this bus every Sunday home after work, it's always been reliable. Well yesterday was the first day of a new company Huws Buses to take over thought nothing of it and continued with my journey and what a journey that turned out to be! First of all the whole bus shook the seats, windows and floor. You couldn't even hear yourself think let alone talk to the person next to you. Then to top it off we broke down in Clynnog but instead of arranging a more suitable bus we carried on to Trevor where low and behold upon leaving the village the engine began clanking even more than usual hot steam came billowing out and under the back seat where two passengers were sitting. Both were lucky not to have been hurt. All the passengers were worried the driver had no clue what to do or what was going on. A mini bus was sent to take us home, it stank of fags and was in a little better state of repair than the bus. I use this service Weekley and I expect to be on transport that is safe and reliable not just the lowest bid. How they passed an MOT I do not know. I would like to ask you to look into my concerns please after receiving years of good quality service on the number 12 route between Pwllheli and Caernarfon my experience on Sunday has left me shocked and concerned.	Ymateb y cwmni i'r e-bost:- "We experienced some difficulties with the water in the bus's engine due to the unusually hot weather, but all services ran during the day as normal. The bus in question has been running on our services from the 3rd of January with no complaints regarding its condition to date. - The company wishes to apologise for the inconvenience that it may have caused you and hopes that your experience of travelling on the No. 12 service". will be better in future.	Na
05/07/2018	Cludiant	Abererch	Bws 3 - Pwllheli i Blaenau Ffestiniog	Nac ydw	I live in the centre of Abererch village and, like many others here, depend on the local number 3 Pwllheli to Porthmadog bus service for transport. No Arriva buses are currently coming through the village as the road had recently been resurfaced and was temporarily closed. This work was completed except for road markings on Sunday. The Cae'lloi bus company are coming through but only run a few buses each day whereas Arriva have a service every half hour from early morning until late evening. Because of this, and each company not accepting the others tickets, many people depend on Arriva to get to and from work, shopping, medical appointments and so forth.	Wedi cysylltu ag Arriva - ac roeddynt yn cadarnhau bod y bysbus yn mynd trwy Abererch bellach.	la
05/07/2018	Cludiant	Waunfawr	-	Nac ydw	No Sunday bus travel from Waunfawr means stuck in the village on a weekend. Buses from Rhyd ddu but can't get there.. locked out on a Sunday! Please consider if there are any options	Wedi ymateb bod y gwasanaeth yma wedi torri 5 mlynedd yn ôl a nid oedd arian ar hyn o bryd i rhoi y gwasanaeth yn ol. - Bellach mae Amserlen Gaeaf Sherpa'r Wyddfa yn teithio trwy Waunfawr ar ddydd Sul.	Na
19/07/2018	Cludiant	Bangor	Bws 85 - Bangor i Llanberis	Nac ydw	Once again the 85 Arriva bus was late. The 9.11 from Ysbyty Gwynedd to Llanberis. This time 20 mins. Over the last 10 days every single bus I've had to get has either been late or not turned up at all. This is just not good enough. I rely on your so called service to get to and from work and the stress caused by being continually late for work or late home to look after my 2 year old son is appalling! Please explain to me why the first buses of the day are so late every single time! It is just not good enough!	Wedi cysylltu ag Arriva - Wedi derbyn copi o'r "tracker details" - ar y diwrnod yma bws yn 14 munud yn hwyr - golau wedi torri. - Yn ystod y 10 diwrnod cynt amser y mwyn yn dderbyniol (o fewn y 1 munud yn fuan a 5 munud yn hwyr a ganiateir).	Na
04/09/2018	Cludiant	Pen y Pass	Sherpa'r Wyddfa	Nac ydw	I waited on the Llanberis by pass today for the 11.00bus to PYP -which failed to appear. I was told by a driver that not all buses go up the bypass some turn around at the interchange. Can we have timetables on the temp, bus stops on the bypass please. It's shambolic at the moment.	Ymateb i'r e-bost - I do apologise for the inconvenience caused to yourself today. I will follow up with the contractors to ensure that they display the timetable on the temporary bus stops by the end of the week.	Na
Medi 2018	Cludiant	Llanberis / Llanrug	Bws 88 - Llanberis i Gaernarfon	Nac ydw	Nifer fawr o e-byst a galwadau ffôn am y newid yn y gwasanaeth bws 88 - pobl yn bryderys yn gwybod bod Arriva yn darfod ond dim yn siwr pwy oedd y cwmni newydd.	Cerbydau Gwynfor wedi ennill y trender a bellach yn rhedeg y gwasanaeth yma.	Na
24/09/2018	Cludiant	Llanrug	Bws 86 - Llanrug i Fangor	Nac ydw	86 from Llanrug to Coleg Menai, bus full, no seats and too many standing. I pay £120 for college pass bus is not safe to travel	Wedi cynghori i ddefnyddio y Bws Coleg 457	Na
19/09/2018	Cludiant	Caernarfon	Bws T2 i Bangor	Nac ydw	Bws yn llawn yn cyrraedd Gaernarfon - dim yn gallu pigo fyny o Bontnewydd ymlaen.		Na
25/09/2018	Cludiant	Caernarfon	Bws 5A - Nasareth i Bangor	Nac ydw	Bws yn llawn yn cyrraedd Gaernarfon - wedi mynd heibio teithwyr yn Dinas ymlaen.		Na
30/09/2018	Cludiant	Llanberis	Bws 88 - Llanberis i Gaernarfon	Ydw	Just wanted to give praise to the new Gwynfor coaches 88 service. The drivers are polite and courteous and I feel very safe when on the bus. Special mention to Bobby who is excellent especially with elderly passengers.		Na

MANYLION AM Y GWASANAETH		MANYLION MESURAU				PERFORMIAD LLYNEDD	UCHELGAIS ELENI	Cyfnod 2 - Gorffennaf - Medi 2018			
Uned	Haen	Cyfeirnod	Mesur	Uned Mesurydd	Amlder Adrodd	2017-2018	2017-2018	2018-2019	2018-2019	Sylwadau	
Cludiant Integredig	1	Cludiant01	Canran o siwrnai cludiant cyhoeddus (bysus) sydd wedi eu monitro sydd o fewn y terfynau dibynadwyedd (amseroldeb bysus) Canran o siwrneiau cludiant cyhoeddus sydd yn brydlon	100%	Pob 3 mis		95%	88%		Mae gennym 36 gwasanaeth a bu i ni fonitro 10 ohonynt (rhai gwasanaethau mwy nag unwaith) yn ystod y cyfnod yma. Nid ydym yn monitro gwasanaethau rhifau 1 gan bod Gwynfor's Coaches wedi cymryd drosodd amserlenni Huw's Coaches mewn argyfwng a doedd yr amseroedd ddim yn bosib i'w cynnal. Y cwmni yn paratoi amserlenni newydd o fis Rhagfyr ymlaen.	
Cludiant Integredig	1	Cludiant02	Nifer o gwynion a dderbyniwyd am wasanaethau cludiant cyhoeddus dan gontract i'r Cyngor (nifer yn hytrach na canran)	Nifer	Pob 3 mis			9		Yn dilyn penderfyniad y Comisiynydd Traffic i ddiddymu trwydded Cerbydau Huw, 31 Awst 2018 roedd nifer o'r cwynion yn ymwneud a gorlwytho ar y bysiau oedd ar ôl. Cawsom gwynion am wasanaethau Arriva yn ochrau Llanberis ddim yn troi fyny neu'n methu rhai safleoedd bws. Rhoddodd y cwmni'r contract i fyny yn ystod mis Medi oherwydd diffyg defnydd o'r gwasanaeth.	
Cludiant Integredig	1	Cludiant03	Nifer o gwynion a dderbyniwyd am wasanaethau cludiant cyhoeddus masnachol eu natur (nifer yn hytrach na canran)	Nifer	Pob 3 mis			1		Bws Gwasanaeth 3 Arriva ddim yn mynd heibio pentref Abererch gan fod y ffordd wedi bod ar gau am gyfnod i hwyluso gwaith ail-wynebu'r ffordd gan y Cyngor. Ni gysylltodd neb a'r cwmni i'w hysbysu fod y ffordd nawr ar agor.	
Diogelwch Ffyrdd	1	DFFI	Canran o fynychwyr sydd wedi dysgu bod yn fwy diogel ar y ffyrdd o ganlyniad i'r wers/ hyfforddiant		Pob 3 mis					Yn ystod y cyfnod, holwyd 773 o gwsmeriaid a gymerodd rhan yn wahanol sesiynau diogelwch ffyrdd. Mae crynodeb o'u hymatebion fel a ganlyn: Q1 Beth oeddech yn feddwl o'r sesiwn = 96.25% (hyn oherwydd problemau TG mewn 1 ysgol); Q2 <i>Ddim yn berthnasol</i> ; Q3 Beth oedd eich barn am yr hwylusydd = 100% ; Q4 Ydych yn credu fod y cynnwys yn ogystal â'r negeseuon allweddol o fewn y sesiwn o unrhyw fudd i'r bobl ifanc = 100% Pass Plus Cymru - Cydweithio wedi bod efo'r colegau a'r Brifysgol drwy gael stondin a dosbarthu gwybodaeth am Pass Plus Cymru; effaith alcohol a chyffuriau ayb yn ystod eu hwythnos "Freshers" a "Seredipity". O ganlyniad mae'r Uned wedi gorffod cynnal 3 sesiwn ychwanegol ar drafodaeth Pass Plus Cymru er mwyn ymgymhyso'r myfyrwyr. Mae'r Uned hefyd wedi bod yn cydweithio efo'r Ysgolion Uwchradd drwy gynnal gwersi diogelwch ffyrdd i flwyddyn 12 a13 o'r enw "Too Young to Die", sy'n son am effaith mae gwrthdrawiadau yn cael ar fywydau ayb. Yn y sesiynau yma mae'r bobl ifanc yn cael cyfle i ddefnyddio gogls cyffuriau ac alcohol, yn ogystal â defnyddio gogls "Virtual Reality". Mae trefniadau ar y gwell hefyd i'r Uned fynychu noson rhieni ag athrawon y 6ed er mwyn hybu Pass Plus Cymru. Seiclo - Mae'r sesiynau yma yn parhau i fod yn boblogaidd ac o ganlyniad byddai'r Uned yn hoffi hyfforddi dau Swyddog newydd. Kerbcraft - Swyddog newydd wedi ei phenodi ac yn cychwyn ei swydd ar y 10fed o Ragfyr 2018. Diogelwch Ffyrdd Cyffredinol - Galw mawr wedi bod am y gwahanol weithgareddau gan ysgolion ar draws Gwynedd. Tafeln newydd wedi cael ei chreu a'i dosbarthu i'r rhieni o'r enw "Gwella diogelwch y ffyrdd y tu allan i'r ysgol". Pecynnau wedi eu creu ar gyfer dosbarthu i SIDYFF sy'n cael ei enwebu gan yr ysgolion cynradd. Amryw o ymgyrchoedd 20mya tu allan i'r ysgolion wedi cael eu cynnal ers mis Medi. Ymgyrchoedd Cenedlaethol - Tri safle wedi cael eu dewis ar gyfer hybu gwrth yfed / cyffuriau a gyrru yn ystod mis Rhagfyr. Yr Uned wedi hybu ymgyrch "Be Bright Be See" drwy ddsbarthu gwybodaeth a drwy gynnal gweithdy yn y llyfrgell yn ystod y gwyliau.	

Siart i ddangos prydlondeb bysiau Gorffennaf i Medi 2018

